

Ֆայախական և նույնիսկ «ճմլեցաք, ասէ, զկզակս նոցին»։ Վարպետները խոստանում են նոր մաղ շինել՝ որից հետո լավ թուղթ կարտադրեն. և «սկսան նոր մաղ կազմել զի այնու զլուսն հանցեն. հանցին և այնու, այն ևս չմանեցաւ Փռանկատանու թղթոյն»։ (Նույն տեղ, էջ 582)։

Փրանսիացի վարպետների էջմիածնում մնալու անօգտավետութիւնը վերջնականապես իմացվելուց հետո, նրանք վճռովում են այնտեղից, ստանալով իրենց հասանելի երեք տարվա աշխատավարձը։

Նախքան վերոհիշյալ վարպետները էջմիածին կհասնին Սիմեոն կաթողիկոսը վարպետներ էր խնդրել նաև Պարսկաստանից։ 1775 թ. հունիսի 28-ին ժամանել էին նաև Պարսկաստանից պահանջված պարսիկ վարպետները, որոնք հաճախում ու բարեխղճորեն կատարելով իրենց աշխատանքը, կարճ ժամանակամիջոցում ոչ միայն կառուցել էին մի նոր գործարան, այլ և պատրաստել էին աշակերտներ (Նիկողայոս և Մարգար) և արտադրել լավորակ թուղթ։

Սխալվում է Գյուլա քահանա Աղանյանը, երբ գրում է, թէ «Սիմեոնը բերել տվեց այնտեղից (Պարսկաստանից) վարպետներ, բայց նոքա չկարողացան թուղթ շինել» (Դիվան Հայոց պատմ. գիրք գ. էջ 349)։ Հենց նույն Սիմեոն կաթողիկոսը, Չաքիկյանցին ուղղված 1776 թ. դեկտեմբերի¹⁾ 6-ի նամակում՝ գանգատվելով թղթաշին ֆռանկ վարպետներից՝ գրել է. «Վերջապես այն էր չար միտքն սոցա (ֆռանկ վարպետներին), զի այս արհեստս աստ մի յառաջացի. այլ քան զիւրեանց գիտեցեալն լաւ հաստատելոց է աստուծով, որպես միայն. լեր միամիտ... մինչև դոքա հուացան ի պաշն աստ, մեք կարծէաք թէ՛ այլ ոչ դան, ուստի ի Քեարիմ խանէն ղթղթաշինս խնդրեցաք։ Յետոյ հանկարծ եկին ֆռանկքն, և նոքա ևս եկին, ուստի՝ այլ չկարողացաք ջուղապ առնէլ, այլ նոցա ևս շինել հառաք զգործարան, որք միաբանութեամբ շինեալ յաւարտս հասուցին, ղթուղթ հանին, և զաշակիրտս ուսուցին և դարձան... (որպես ասացաւ այս յապրիլի 16), որոց թէ տարե-

կան վարձ՝ և թէ քեարխանի շինութեան և իւրեանց խարճ ընդամեն եղև ԱճԺ (110) թուաման։ Տես զտաճկաց միաժտութիւնն և զնոցին չարամտութիւնն, որք միշտ ծաղր առնէին նոցա. իսկ նոքա զիւրեանց յարաջացոյցին որքան կարէին և ֆռանկքն այսպէս նենգնութիւնս արարին» (նույն տեղ էջ 586—587)։

Բացի այս, նաև մի շարք վկայութիւններ կան թղթագործարանի ծախսերի մատյանում²⁾, որոնցից մեկի մեջ բերումը ավելորդ չենք համարում «Ի սոյն ամի (1775 թ.), ի մարտի 22-էն, մինչև յգեղեթմբերի 11. թէ ֆռանկաց և թէ տաճկաց թղթատան վերա այս ինչ խարճ գնաց, որ ահա ի ներքոյ գրի կարգաւ»։ Եւ այնուհետև թվարկվում են ծախսերը։

Պարզ է, որ էջմիածնում միաժամանակ հիմնարդվել է թղթի ոչ թի մեկ, այլ երկու գործարան, մեկը Փրանսիացի և մյուսը պարսիկ վարպետների ձեռքով. սրանցից մեկը, որ հավանաբար Փրանսիացի վարպետներն էին կառուցել՝ 20 դաղ երկալութիւն և 9 դաղ լայնութիւն ունէր և կառուցված էր Չաքիկենց Գրիգոր աղայի ծախքով. պարսիկ վարպետների կառուցած արհեստանոցի տարածութեան մասին տեղեկութիւններ չկան։

Պատվովոր կերպով ավարտելով իրենց գործը՝ 1776 թվի ապրիլի 16-ին մեկնում են պարսիկ վարպետները։ Նույն թվի հոկ-

²⁾ Այս մատյանը սեփականութիւնն է ՀՍՍԽ Ժողկոմսովետին կից Պետական Զեռագրատան. (Արխիվի բաժին, Կաթուղ. դիվան, թղթագանակ 7, № 3) կաշեպատ է, փափուկ կաղմով. 21,3 × 25, 5 սմ, մեծութեամբ. բաղկացած է 104 թերթից։ 2—12 թերթերի վրա գրված է թղթագործարաններին 1775—1781թթ. ծախսերը. կից 7 պատուիկ։ 23ա—26ա, 32ա—32բ և 36ա—46բ էջերում ժամանակավոր օդադարձման համար միաբաններին և վարձատան աններին հանձնված, այլ և այլ անձանց նվեր ուղարկված և վաճառված զբքերի ցուցակները (1781—1789թթ.). կից 4 պատուիկ և մեկ ցուցակ կազմատան գործիքների։ 1ա. էջում էջմիածնի միաբաններին և այլոց տրված ոտնամանների ցուցակը (1416—1817 թ.)։ Գլխցուցակ՝ Թոխաթիւնվիրակ Սիմեոն եղիսկոպոսի կաթողիկոսին նվիրված իւրերի։

42ա—46բ՝ 1816—1818 թվականների այլ և այլ եկեղեցիներին ու վանքերի ուղարկված եկեղեցական անոթների և զգեստների ցուցակը՝ կից 2 պատուիկ։ Մնացած էջերը մաքուր են։

¹⁾ Դիվանում սխալմամբ՝ նոյեմբերի։